

**CYFARFOD COMISIWN FFINIAU LLYWODRAETH LEOL I GYMRU A  
GYNHALIWYD AR 17 MEDI 2007 YN NHŶ CARADOG, CAERDYDD**

Comisiynwyr

Mrs. S G Smith (Cadeirydd)  
Mr. D H Roberts (Dirprwy Gadeirydd)  
Y Parch. H M Davies (Aelod)

Ysgrifenyddiaeth

Mr. E H Lewis (Ysgrifennydd)  
Mr. S R Halsall  
Mr. D Carr  
Mr. J Ledsam

Croesawodd Aelodau'r Comisiwn Mr Ledsam, a oedd yn ddiweddar wedi'i benodi'n Gynorthwydd Tîm i'r Ysgrifenyddiaeth ar sail secondiad o Dŷ'r Cwmnïau.

**1. DATGANIAD BUDDIANNAU**

1.1 Ni ddatganwyd unrhyw fuddiannau newydd.

**2. COFNODION CYFARFOD Y COMISIWN A GYNHALIWYD AR 11  
GORFFENNAF 2007**

2.1 Cytunwyd â'r rhain ar yr amod y gwneid mân newidiadau.

**3. MATERION YN CODI**

**Cyfarfod Agored Cyffredinol Blynyddol**

3.1 Cyflwynodd yr Ysgrifennydd agenda drafft y Cyfarfod Agored Blynyddol. **Cytunwyd** y byddai'r agenda drafft yn cael ei fabwysiadu ar gyfer y Cyfarfod Agored Blynyddol.

**4. Y COMISIWN ETHOLIADOL: PROSIECT GWERTHUSO AROLYGIADAU  
ETHOLIADOL CYFNODOL**

4.1 Adroddodd yr Ysgrifennydd, er y cyhoeddwyd canfyddiadau'r prosiect Gwerthuso Arolygiadau ym mis Gorffennaf 2007, bod y mater ar y gweill o hyd, a bod y Comisiwn Etholiadol wedi addo rhoi'r wybodaeth ddiweddaraf iddo am unrhyw gynnydd.

4.2 Nododd yr aelodau fod adroddiad y canfyddiadau'n cynnwys rhai meini prawf i ddiffinio hunaniaeth gymunedol. Ystyriwyd y byddai hyn yn ddefnyddiol i'r Comisiwn, am y byddai'n cynorthwyo eraill i ddeall gwaith y Comisiwn. **Cytunwyd** y byddai datganiad ynghylch diffiniad hunaniaeth gymunedol yn cael ei baratoi, a fyddai'n defnyddio unrhyw ddisgrifiadau blaenorol sydd i'w canfod yng nghofnodion y Comisiwn .

**5. AMSERLEN AROLYGU**

5.1 Adroddwyd bod problem ar hyn o bryd am fod rhai awdurdodau lleol yn gwneud cais am gynnwys arolygiad o'u trefniadau etholiadol cymunedol yn y cyfarwyddiadau a gyhoeddir i'r Comisiwn gan Lywodraeth Cynulliad Cymru (LICC), pan nad oedd y ddeddfwriaeth yn caniatáu i'r Comisiwn gynnal yr arolygiadau hyn. Roedd y Comisiwn o'r farn y dylid

esbonio i'r awdurdodau lleol a LICC mai dim ond newidiadau ôl-ddilynol i'r trefniadau etholiadol cymunedol, o ganlyniad i newid ffiniau cymunedol, y gallai'r Comisiwn eu rhoi ar waith. Rhoddwyd gwybod am y sefyllfa i adran nawdd y Comisiwn, a nodwyd nad oedd ceisiadau fel hyn yn rhan o gwmpas y ddeddfwriaeth.

- 5.2 Nodwyd bod awdurdodau lleol wedi dyrannu llawer o'u hadnoddau i gynnal arolygiad diweddar o ddsbarthiadau pleidleisio ar gais y Comisiwn Etholiadol, gyda'r canlyniad mai yn ddiweddar yn unig yr ystyriwyd gofynion arolygu cymunedau gan rai awdurdodau. Mynegodd y Comisiwn bryder bod yr amser a gymerwyd gan awdurdodau lleol i wneud cais am arolygiadau cymunedol, ynghyd â'r amser a gymerwyd gan LICC i ddrafftio a chyhoeddi'r cyfarwyddiadau, yn golygu na fydd modd i'r Comisiwn, o bosibl, gwblhau rhai arolygiadau cymunedol cyn i arolygiad etholiadol Cymru gyfan ddechrau. Nodwyd hefyd y byddai gan y Comisiwn, erbyn hyn, faich gwaith sylweddol yn ystod y misoedd nesaf, gydag adnoddau a chyllideb gyfyngedig.
- 5.3 **Cytunwyd** mai'r unig ddewis uniongyrchol i'r Comisiwn oedd cadw at yr amserlen a amcangyfrifwyd.

## 6. ADRODDIAD CYLLID – CHWARTER 1 2007-08

- 6.1 Adroddwyd y bu'r Comisiwn ymhell o fewn ei gyllideb ar ddiwedd chwarter cyntaf 2007-08. Fodd bynnag, cafwyd ychydig o wariant ychwanegol, a nodwyd yn ddiweddar, a fyddai'n arwain at leihau'r gwarged diwedd blwyddyn amcangyfrifedig a adroddwyd.

## 7. UNRHYW FATER ARALL

### Trefniadau Arolygu

- 7.1 Ystyriwyd y byddai angen edrych ar broses arolygiad etholiadol Cymru gyfan yng nghydestun gwaith presennol a gwaith sydd ar fin cael ei wneud i arolygu cymunedau a ffiniau, a nodi unrhyw gamau y gellid eu cymryd i hwyluso'r gweithdrefnau arolygu hyn. **Cytunwyd** ystyried hyn fel rhan o agenda diweddarach.

### Arolygiadau Cymunedol

- 7.2 Rhoddwyd gwybod i'r Comisiwn fod Cyngor Sir Ynys Môn wedi gofyn am estyniad i'r terfyn amser y gofynnwyd iddo gyflwyno unrhyw sylwadau am gynigion yr arolygiad o'i fewn. **Cytunwyd** y dylid rhoi gwybod i Ynys Môn y byddai'n rhaid i ni gael eu sylwadau cyn cyfarfod nesaf y Comisiwn ar 8 Hydref er mwyn iddynt gael eu hystyried.

## 8. DYDDIAD Y CYFARFOD NESAF

- 8.1 **Cytunwyd** y byddai'r cyfarfod nesaf yn cael ei gynnal ar ôl y Cyfarfod Agored Blynnyddol ar 8 Hydref 2007. Ystyriwyd y byddai'n well petai'r cyfarfod yn cael ei gynnal yn yr un lleoliad â'r Cyfarfod Agored Blynnyddol er mwyn arbed amser. **Cytunwyd** y byddai'r Ysgrifenyddiaeth yn gwirio argaeledd llety ar gyfer y cyfarfod yng Ngwesty'r Copthorne ar gyfer prynhawn 8 Hydref.
- 8.2 Trefnwyd darpar ddyddiadau cyfarfodydd yn y dyfodol ar gyfer:

Lgbc6m/2007

Dydd Iau 15 Tachwedd 2007 am 10:30 – 10:45

Dydd Mawrth 18 Rhagfyr 2007 am 10:30